

Autoretrait literari

JOAN-FRANCÉS BLANC

Soi nascut a Agen farà 34 ans al mes de decembre 1995. Per çò qu'es de la lenga occitana, ai pas que 13 ans ... ai començat de l'aprene en arribar a París, en 1982.

Mon paire sortiguèt d'Albigés, d'aquela part al ras de la termièra de Roègue que las " l " i vènon sovent d' " r ". Familha de paisans del parçan d'Alban. Mon grand fasiá de panièrs, l'ivèrn.

Ma mair sortiscot de Gasconha de Bisa (Òut e Garona), hilha d'un maçon gascon e d'ua obrièra chèca, vienuda en 1920 ende tribalhar dens la veireria d'aqueth vilatge deu parçan de Nerac.

Se trobèn a París on tots dus tribalhàuan a la pòsta. Tornèn viste endeu país, on passèi mas purmèras 20 annadas. Educat, escoliat en francés, hesoi estudis d'istòria (mestresa) e de chèc (diplòma d'universitat) a Bordèu, puish arribèi a París (en 82) ende un cicle tresau en lingüistica informatica qui n'acabèi pas. Après l'armada (a París) e un an de caumatge trobèi tribalh en l'arrevirada tecnica (publiquèi un article dens *Occitans* en 92, ce'm pareish). En 91 cambièi de tribalh. Soi adara engenhaire de mantenença en ua societat de servicis en informatica.

Ei a París que comencèi, sol, a aprèner l'occitan. A partir de 85 comencèi de participar a activitats de l'IEO. En 88, ne vaoi soci. Dempuish 90 soi secretari de l'IEO París.

Dempuish 92 que soi au C.A. " nacionau " de l'IEO.

Joan-Francés Blanc

Dempuïsh 93 dau cors d'iniciacion a l'occitan en lo vegarau (la forécia, la banlèga) de París.

Dempuïsh 92 tanben participi a las emissions occitanas de Radio Pays París (ua ràdio qui emet en totas las lengas d'exagonia).

Asseguri dempuèi 90 tanben la compaginacion e una bèla part del contengut editorial del bulletin de l'IEO París, *Forra Borra*. E dempuèi lo numerò 16, fau tanben la P.A.O. d'Estudis occitans.

Escrivi en òc dempuèi 84, mas publiqui pas gaire. Un raconte en lengadocian dins *Parlem* (revista de l'IEO d'Auvernha) en 90. Una novèla premiada en Val d'Aran al concurs 93 (parescuda dins lo recuèlh *De quan panèn un peishic de país*). Una altra mai longa (40 pajas) qu'ai mandada al Domèrgue e que l'a espaurugat... La tròba violenta. Ai un fum de causas dins los tiradors, mas fòrça tèxtes pas acabats.